

實用中醫藥學

秦伯未先生編輯

黃穀陳无咎題

外科真詮

清代鄒五峯名著

分二卷計四百餘頁

羅列七百餘症候

爲外科書籍中

實驗與理論並重之作

攷外科書籍甚多。或僅錄驗方。或偏重學說。或蕪雜無主。或簡單不詳。求其以理論徵諸經驗。以經驗證其理論。及敘述詳明。編製適當者。殊不多觀。清代鄒五峯氏爲外科聖手。所編外科真詮一書。久爲醫林所欽仰。顧版已燹滅。流傳絕少。本局獲得原刻。不敢自秘。卽加精校付刊。以期普及。全書四百餘頁。裝訂上下兩厚冊。定價一元四角六折。學者得此。蓋可無事他求矣。

中醫書局敬啓

傷科大成

清代趙竹泉名著

專述傷科手術方藥及

觀察吉凶之秘訣

爲傷科書籍中

切實有用之傑作

傷科以觀察吉凶爲第一次。則手術次則方藥。然皆從經驗中得之。決非空洞理論所能收效。此所以傷科書之不多觀。卽有而亦難流傳久遠也。此書爲清代趙竹泉氏之秘本。刪除一切空論。專述經驗所得。語簡而要。方試必驗。實爲傷科書中未有之奇書。而學傷科者必備之秘訣也。茲由本局公開印行。以廣流傳。凡一冊定價洋三角五分六折。

中醫書局敬啓

R2
5025

治療學

又安


一般治療……………

熨法
灌法
漬法

酒醪
麻醉
起泡

灌腸
導尿
敷法

嚏法
熏法
箆鍼

角法
蟬鍼
鍼灸

湯液治療……………一四

汗法
和法
下法

消法
吐法
清法

溫法
補法

實用中醫學

上海秦之濟伯未述

受業

陳昌順 弟之萬 又錦樓 校

第五編 治療學

□ 一般治療

▲ 熨法

內經曰。形苦志樂。病生于筋。治之以熨引。又曰。寒痹之爲病也。留而不去。時痛而皮不仁。以藥熨之。用淳酒二十升。蜀椒一升。桂心一斤。凡四種皆咬咀。漬酒中。用棉絮一斤。細白布四丈。并內酒中。置酒馬矢煨中。蓋封塗。勿使泄。又曰。治厥者必先熨。調和其經。掌與腋。肘與腳。項與脊。以調之。火氣已通。血脉乃行。中藏經曰。宜蒸熨而不蒸熨。則令人冷氣潛伏。漸成痹厥。不當蒸熨而蒸熨。則使陽氣偏行。陰氣內聚。又扁鵲療虢太子尸厥。爲五分之熨。見于史記本傳。其他

千金及翼方外臺載熨癰諸方。聖濟用葱白熨臍下。又用黑豆熨前後心。或炒鹽醋灰。赤水玄珠爲熨臍方。又有熨白虎歷節方。蓋溫散凝寒。通暢血氣。是熨法之所主。故古昔每以代灸。凡拘急攣縮。痛痹不仁。係血氣之凝結者。一切用之。若風火暑熱痹絡。則熨之且加甚焉。

▲灌法

灌水之法。其來尙矣。今每見熱病用井水雪水灌入口內。旋得大汗而愈。此中病理。有酷暑雷雨之應。所謂熱者寒之是已。其于載籍倉公傳傷寒論皆及之。玉函經曰。過經成懷病。鍼藥所不能制。與水灌枯槁。陽氣微散。身寒溫衣覆汗出。表裏通利。其病卽除。華陀療婦人寒熱注病。用冷水灌之。千金外臺治石發有冷水洗浴之法。南史載徐嗣伯用灌水治房伯玉之病。張戴人浴痘兒。出于儒門事親。他如衄血不止。用新水隨左右洗足。及冷水嚥面。冷水浸紙貼額上。金瘡血出不止。冷水浸之卽止。共見本草綱目中。

▲漬法

經曰。行水漬之。注謂湯浸漬也。又曰。其有邪者。漬形以爲汗。又曰。脾風可浴。金匱附方有礬石湯浸腳之法。巢氏病源有邪氣在表。洗浴發汗卽愈之文。外臺引文。仲掙腳方。水煮杉木浸掙腳。去腫滿大驗。本草衍義曰。熱湯助陽氣行經絡。患風冷氣痹之人。多以湯濯腳至膝上。厚覆使汗出周身。然亦別有藥終假陽氣而行耳。四時暴泄利。四肢冷。臍腹疼。深坐湯中。浸至腹上。頻頻作之。又曰。生陽諸藥。無速于此。朱愼人治風疾。掘坑令坐坑內。以熱湯淋之。良久以簞蓋之。汗出而癒。聖惠方有淋湯瘡上之法。博愛心鑑治痘瘡頂陷有水楊湯。諸如是類。不暇縷指。今人不知其有助陽氣行經絡之效。妄禁水洗陋矣。

▲酒醪

醪醴見于素問。然上古所作。不能知其法。扁鵲傳曰。其在腸胃。酒醪之所及也。仲景之方。八味丸。土瓜根散。赤丸天雄散。四方各以酒服之。下瘀血湯。一方以

酒。煮之。麻黃醇酒湯以美清酒五升煮之。芎歸膠艾湯炙甘草湯當歸四逆加吳茱萸生薑湯鱉甲煎丸清酒與水合煮之。其他苦酒湯黃耆芍藥桂枝苦酒湯之苦酒。栝蒌薤白白酒湯栝蒌薤白半夏湯之白酒。皆用酒醪以治者也。又肘後千金外臺諸書並載酒醪之方。取其宣通血脉。開發壅滯。蓋以酒性慄悍。能行藥勢也。凡急患長恙。血虛氣滯。久寒痼冷。偏枯不遂。拘攣痺厥之類。宜常服之。按所謂醇酒者。漢書師古註。醇酒不澆。謂厚酒也。清酒者。周禮酒正辨三酒之物。一事酒。三昔酒。三清酒。鄭註清酒。今之冬釀夏成者。蓋謂無灰好酒也。昔酒者。陶宏景曰。醋亦謂之醯。以有苦味。俗呼苦酒。白酒者。始見于內經。以白酒和桂。且飲美酒。仲景所用未詳其製。千金方白酒作白截漿。或作截酒。外臺亦同。今從之。用酢者。蓋取豁胃利氣。其造法見本草蒙筌。大抵仲景之方。出于諸家。故曰苦酒。曰白酒。因古人所傳。異其稱謂耳。今市上多藥酒出售。猶存古制。惟伏熱陰虛火炎者。服之。每見變徵。不可不慎。

▲麻 醉

麻醉古稱蒙汗。見本草綱目七修類稿等。其義未審。意者蒙汗隱語。以其害人。不直指其名也。袁荅阿片曼陀羅花番木鱉之類。皆令人麻醉。收斂血脉。奪其神機。故心神錯亂。瞳孔豁大。煩渴引飲。不知人事。若多服則死。宜斟酌作劑。而割肉刮骨則不可欠此焉。後漢書華陀傳云。疾發結于內。鍼藥所不能及者。令先以酒服麻沸散。既無所覺。因剗破腹背。抽割積聚。若在腸胃。則斷截湔洗。除去疾穢。既而縫合。傳以神膏。四五日創愈。齊東野語云。草烏末同一草食之。卽死。三日後亦活。桂海虞衡志云。曼陀羅花盜采花爲末。置人飲食中。卽當醉。梅元實藥性會元云。同陀羅花川烏草烏合末。卽蒙汗藥。本草茉莉根以酒磨一寸。服則昏迷。一日仍醒。二寸二日。三寸三日。紀曉嵐云。閩女飲茉莉陽死。與私夫共逃。此茉莉亦可以醉人。張介石資蒙醫經云。蒙汗一名鐵布衫。少服止痛。多服則蒙汗。其方闔楊花川烏瓦龍子自然銅乳沒熊胆硃砂麝香凡九味。爲

絕細末。作一服。用熱酒調服。乘飲一醉。不片時。渾身麻痺。陳士鐸石室秘錄。碎治法門云。先用忘形酒。使其人飲醉。忽忽不知人事。任人劈破。絕不知疼痛。取出蟲物。然後以神膏異藥。縫其破處。後以膏藥貼敷。一晝夜。卽全好。徐以解生湯藥飲之。夢初覺。而前症頓失矣。此皆華陀遺法。可以備參攷者也。

▲起泡

疾之在藏府經絡者。服藥可以驅之。其在皮膚筋骨之間。或提而出之。或攻而散之。則起泡之法著焉。外臺治疔腫方。斑貓二枚。捻破。以針劃瘡上。作米字封之。其根卽出。又治乾癬積年。生痂搔之。黃水出。每逢陰雨卽癢。用斑貓半兩。微炒爲末。蜜調敷之。聖濟大風面上有紫瘡癰未消。用乾斑貓末。以生油調傅。約半日。瘡癰脹起。以軟帛拭去藥。以棘鍼挑破。令水出乾。不得剝其瘡皮。及不可以藥近口眼。永類鈴方治癬癢。用斑貓七個。醋浸露一夜。搽之。又謂之天灸。王執中資生經。旱蓮草搗爛。男左女右。置寸口上。以古文錢壓定。帛繫住。良久起

小泡。謂之天灸。其瘡卽止。醫說云。石龍芮俗名貓跡草。葉毛而尖。取葉揉臂上成泡。謂之天灸。治久瘡不愈。本草綱目毛茛草條云。山人截瘡。采茛葉按貼寸口。一夜作泡如火燎。故呼爲天灸。自灸。凡此皆于治療上增不少捷徑。惜今棄而不用。惟遇咽喉重症。尙有用起泡法者。古法漸亡。爲之扼腕。

▲灌腸

灌腸卽仲景導屎法也。凡腸內閉塞污物不下者。宜導而出之。蜜煎導。土瓜根。猪胆汁皆能潤竅滋燥。從其便而用之可也。肘後方治大便不通。採土瓜根搗汁。用筒吹入肛門內。北齊道興治疾方。用猪胆汁導以葦管。聖濟以土瓜根搗汁少許水解之。竹筒傾內。下部卽通。十便良方療大便秘塞不通。用猪胆以筒灌三合許。令深入卽出矣。不盡須臾更灌。醫學正傳小兒大便不通。含香油以小竹筒擠入肛門。以油吹入。過半時許。下黑糞。袁枚云。回回病不飲藥。有老回回能醫者。熱藥一桶。令病者覆身臥。以竹筒插入穀道中。將藥水乘熱灌入。用

大氣力吹之。少頃腹中汨汨有聲。拔出竹筒。一瀉而病愈矣。體虛不耐攻下者。此法實最穩善。今則惟西醫善用之。而中醫此法。無形消滅矣。

▲導尿

導尿拯急之法也。千金方凡尿在胞中。爲胞屈僻。津液不通。以葱葉尖頭內陰莖孔中。深三寸。微用口吹之。胞脹津液大通。卽愈。外臺引救急方。主小便不通。其方取印形鹽七顆。搗篩作末。用青葱葉尖盛鹽末。開便孔。納葉小頭于中吹之。令鹽末入孔。卽通。衛生寶鑑一妓轉脬。小便不通。腹脹如鼓。數月垂死。一醫用猪脬吹脹。以翎管安上。揉入陰孔。捻脬氣吹入。卽大尿而愈。今西醫有用銀絲通溺管者。胚胎于此。

▲敷法

敷法昉見于內經。其言曰。有熱則筋弛縱。緩不勝收。故僻。治之以馬膏。膏其急者。以白酒和桂。以塗其緩者。又曰。發于腋下赤堅者。名曰米疽。治之以砭石。欲

細而長。疎砭之。塗以豕膏。六日已。仲景方中有溫粉。有摩散。外臺載塗臍下通洩便之方。幼幼新書塗五心治少小客忤。聖惠方塗手心以緩筋急。閻孝忠方塗足心能引上病而下之。又治口瘡。又治赤眼。治鼻衄。唐宋以降。外傳藥方亦復不尠。或傳治局部。或移彼引此。伯未嘗治一婦虛火牙痛。服藥不效。用肉桂熟地同搗。貼湧泉穴而愈。實可佐內服之不及也。

▲嚏法

搐鼻取嚏。以發洩鬱邪。開達壅塞。其法創見于內經。噦以草刺鼻嚏。嚏而已是也。金匱頭中寒濕。內藥鼻中。千金翼及外臺刪繁方。搐鼻并同瓜蒂。聖惠治風頭痛吹鼻散。用瓜蒂麝香等五味。先含水滿口後。搐藥半字深入鼻中。又中風牙緊不能下藥。卽鼻中灌之。又治眼睛如鍼刺疼痛。聖濟以治小兒天釣。幼幼新書治小兒急慢驚風。易簡方卒中口噤用細辛皂角各少許。或只用半夏爲末。以蘆管入鼻中。俟噴嚏。其人少蘇。蘭室秘藏以治內外障眼。張從正曰。如引

涎漉漉。噫氣追淚。凡上行者皆吐法也。瞿玉華曰。其升之舉之提之。皆吐之意也。近日盛行于市者。若臥龍丹是。

▲熏法

藥氣藉火氣從鼻孔中而直達肺腑。通經貫絡。透徹周身。卒病沉痾。從症用之。以助服藥之所不逮。是熏法之用也。熏法亦稱薰烟法。但用于上部最爲有效。千金療欬熏法。細熟艾薄佈紙上。廣四寸。後以硫黃末薄佈艾上。務令調勻。以荻一枚。如紙長卷之作十枚。先以火紙纏下去荻。其烟從孔中出口。吸取烟嚥之。取吐止。外臺引古今錄驗療欬飲烟法。鍾乳白石英人參丹參雄黃烏羊腎脂淨紙。右八味各擣篩爲末。以水銀投藥裏細研。使入諸藥。羊脂熬取置紙中。令勻平。約厚一分。散藥週遍。剪紙一張作三分。二法皆以口吸其氣。猶今吃烟草也。御藥院方龍香散治偏正頭痛。用地龍乳香細末摻紙上。作紙捻子燒。令聞烟氣。澹寮方徐介翁熏頭風方。于上方加指甲。每用一捻。向香爐內慢火燒。

之。却以紙卷筒如牛角狀。尖留一孔。以鼻承之。熏時須噙溫水令滿口。此法通用之。產經治盤腸產用熏法。外科正宗治結毒爛壞用祁陽炭面粉銀朱爲熏法。本草綱目治中風痰厥氣厥中惡喉痹一切急病咽喉不通牙關緊閉用巴豆熏法。其法爛巴豆綿包壓取油。作捻點燈。吹滅熏鼻中。或用熱煙刺入喉內。卽時出涎或惡血便甦。但此等法有流弊。宜慎施之。

▲箆鍼

內經曰。徒瘕先取環谷下三寸。以鉞鍼鍼之。已。刺而箆之。而內之。入而復之以盡。其瘕必堅。來緩則煩懣。來急則安靜。間日刺之。瘕盡乃止。又曰。病水腫不能通關節者。取以大鍼。肘後方皮膚水腹內未有者。服諸發汗藥得汗便瘥。然慎風寒爲急。若腹大小便不下。去便鍼臍下二寸。入數分。令水出孔合。須腹減乃止。箆鍼之法。其來蓋遠。但施于水腫鼓脹。實爲不得已之策。可或一爲之。屢試則大命從殞矣。千金云。凡水病忌腹上出水。出水者一月死。大忌之。聖濟引徒

郁子云。華陀云。水病未遇良醫。第一不得鍼灸。言氣在膜外。已化爲水。水出卽引出腹中氣。水盡則死。醫說引醫餘云。病水人水在膜外。切不可鍼鍼透膜。初時稍癒。再來卽不可治。神效名方云。大忌腳膝上鍼刺出水。取一時之效。後必死矣。蓋此症欲用鍼刺。必須甄腫之虛實。水氣之差別。胃氣之存亡。否則決不可妄刺。西醫一概施之。戕命不少。可以爲鑑。

▲角法

刺破患處。納絮火于竹筒中。急點着鍼口。則火氣能吸血。候血止。放筒去。此爲角法。凡瘀血凝聚。癰腫疼痛。發見于皮表者。視其所在角之。則瘀血去而疾患除矣。其法始出于肘後方。外臺有角療骨蒸法。又引古今錄驗。蠍螫人以角療之。又療金瘡得風。身體痙強。口噤不能語。瓠蘆燒麻燭熏之。証類本草引兵部手集方。治發背頭未成瘡。及諸熱腫痛。以青竹筒角之。蘇沈良方載久嗽火角法。瑞竹堂經驗方。吸筒。濟急仙方。竹筒吸毒。外科正宗。蕢拔筒方。並與角法同。

按角法義未詳。意者角者味也。味形似鍼。詩經曰。誰謂雀無角。蓋古謂味爲角。以鍼刺人體。猶雀之啄物而吮吸也。

▲蜚鍼

宋俠經心錄收蜚鍼法。俠唐人。則蜚鍼之法亦古矣。陳藏器曰。水蛭本攻外患。赤白遊癰。及癰腫毒。取十餘枚。令啗病處。取皮皺肉白。無不瘥也。冬日無蛭。蟲地中掘取。暖水養之。令動。先洗人皮。醃以竹筒。盛蛭吮之。須臾便咬。血滿自脫。更用饑者。外科精要載洪丞相蜚鍼法。凡癰疽。覺見稍大。便以井邊淨泥敷瘡頂上。看其瘡上。有一點先乾處。卽是正頂。先以大筆管一筒。安于正頂上。却用大馬蜚一條。安其中。頻以冷水灌之。馬蜚當吮其正穴。膿血出。毒散卽效。如毒大。蜚小。須三四條方見功。腹旁黃者力大。若吮着正穴。蜚必死矣。其瘡卽愈。若血不止。以藕節上泥止之。白茅花亦妙。夫瘍科用蜚鍼吸毒膿惡血。可省刀鍼之苦。洵善法之不可廢者。今亦失傳矣。

▲鍼灸

血脉之浮見于肌膚者爲絡。潛行于內裏者爲經。纏繞九竅。綢繆百骸。環會周旋。靡所不至。內經曰。經絡之相貫。如環無端。此之謂也。夫血流動灌。灌溉榮養人身。故一處鬱塞。則百體失養。方此之時。非放發之何以得通。內經所謂菀陳則除之。又謂經有留血。血有餘則寫其盛。經出其血。又謂視其血絡刺其血。無令惡血得入于經。以成其病。又謂久痹不去身者。視其血絡。盡出其血。又謂寫其血絡。血盡不殆矣。扁鵲傳扁鵲治虢太子。使子陽厲鍼砥石。以取三陽五會。取者謂刺絡除去其瘀滯也。要之鍼法占治療上重要位置。非讀內經甲乙經等。明經絡俞穴。臨診施治。焉能收水到渠成之妙哉。今有專科從略。

■湯液治療

▲汗法

今之治病。除針灸外。多取湯液。而湯液之治。不外汗和下消吐清溫補八法。茲